

भजन कर भूल मति दिन रात,
दोहा दुर्गा दया मोहे दीजिए,
और दीजे सुधि रो दान,
करोड़ गुनाह मैया माफ करो,
मैं बालक अनजान ।
सरस्वती मैया आप बड़े,
आपने दियो उपदेश,
आठ पोर चौसठ घड़ी,
मैया हिरदे बसो हमेश ।
सरस्वती मैया शारदा,
मेरे आय सुधारो काज,
बैठ सभा के बीच में,
मैया राखिजो मोरी लाज ।
नमो नमो मेरे मात पिता को,
जिणसे रच्यो शरीर,
नमो नमो सतगुरु देव ने,
म्हारो कियो भजन में सीर ।
नमो नमो गुरु देवजी,
नमो नमो सब सन्त,
नमो नमो पार ब्रह्म को,
नमो नमो भगवत ।
सत्संग जग में शिरोमणि,
ज्यूँ तारों में चन्द,
श्री लादुनाथ हरी नाम से,
कटे जमो का फ़ंद ।

भजन कर भूल मति दिन रात,
हरी से डोरी तोड़ मति बंदा,
जन्म सफल होय जात,
भजन कर भूल मती दिन रात ॥

तू है भटकतो क्यूं फिरे रे,
मूर्ख पुरुष दिन रात,
आयो मुट्ठी भींच ने रे,
जावे खुले हाथ,
भजन कर भूल मती दिन रात ॥

पाप कमावे जन्म डुबावे,
जमडा पीसे दाँत,
धर्मराज थारो लेखों लेसी,
काई केवे उठे बात,
भजन कर भूल मती दिन रात ॥

केई केई जोधा होया धरण पर,
अंत भष्म होय जात,
तीन लोक में काळ हैं कागलो,
सबको चुग चुग खात,
भजन कर भूल मती दिन रात ॥

नारी जग में घणेरी होई,
सतिया जग में सात,
नाव सरीखोई एक है रे,
लिया रे करो प्रभात,

भजन कर भूल मती दिन रात ॥

हरि को भजे सो हरि को प्यारो,
ऊंच नीच नहीं जात,
कबीर जुलावा सदना कसाई,
नायक लादुनाथ,
भजन कर भूल मती दिन रात ॥

भजन कर भुल मति दिन रात,
हरी से डोरी तोड़ मति बंदा,
जन्म सफल होय जात,
भजन कर भूल मती दिन रात ॥

गायक जगदीश पलाणा ।
प्रेषक रामेश्वर लाल पँवार ।
आकाशवाणी सिंगर ।
9785126052

Source: <https://www.bharattemples.com/bhajan-kar-bhool-mati-din-raat/>



Bharat Temples

Complete Bhajans Collections - Download Free Android App

info@bharattemples.com

3/4

BharatTemples.com

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>